



ГЛОБАЛ ИННОВАЦИОН РЕЙТИНГДА ИНТЕЛЛЕКТУАЛ МУЛК БОЗОРИ

Суннатов Мухтор Нематович -

Тошкент давлат иқтисодиёт университети доценти, (PhD)

https://doi.org/10.55439/ECED/vol23_iss1/a55

Аннотация: Мақолада, глобал инновацион жараёнларда интеллектуал мулк обьектларини муҳофаза механизмини ташкилий-хўқуқий асосларини яратиш зарурияти, хусусан, инновацион жараёнда интеллектуал мулк обьектларини баҳолаш механизмларини ривожлантиришига алоҳида эътибор қаратилган ҳолда глобал бозорларда интеллектуал мулк обьектларини ҳимоя механизмларини ривожлантириши заруриятига эътибор қаратилган.

Таянч тушунчалар: интеллектуал мулк, инновация, глобаллашув, стратегия, индекс, инфраструктура, механизм, технологии, бозор, бюджет, номоддий активлар, баҳолаш.

РЫНОК ИНТЕЛЛЕКТУАЛЬНОЙ СОБСТВЕННОСТИ В ГЛОБАЛЬНОМ ИННОВАЦИОННОМ РЕЙТИНГЕ

Суннатов Мухтор Нематович -

доцент, Ташкентский государственный экономический университет, (PhD)

Аннотация: В статье подчеркивается необходимость создания организационно-правовой базы защиты интеллектуальной собственности в мировом инновационном процессе, в частности, необходимость разработки механизмов защиты интеллектуальной собственности на мировых рынках, с особым упором на развитие интеллектуальные механизмы оценки имущества.

Ключевые слова: интеллектуальная собственность, инновации, глобализация, стратегия, индекс, инфраструктура, механизм, технология, рынок, бюджет, нематериальные активы, оценка.

INTELLECTUAL PROPERTY MARKET IN THE GLOBAL INNOVATIVE RANKING

Sunnatov Mukhtor Nematovich -

Associate Professor, Tashkent State University of Economics, (PhD)

Abstract: The article emphasizes the need to create an organizational and legal framework for the protection of intellectual property in the global innovation process, in particular, the need to develop mechanisms for the protection of intellectual property in world markets, with particular emphasis on the development of intellectual property valuation mechanisms.

Key words: intellectual property, innovation, globalization, strategy, index, infrastructure, mechanism, technology, market, budget, intangible assets, valuation.

Кириш. Янги Ўзбекистонни ва Учинчи Ренессанс пойдеворини барпо этиш борасида амалга оширилаётган туб ўзгаришлар ва ислоҳотларнинг мақсади, мазмун-моҳияти ҳамда устувор йўналишлари бўлиб, мамлакатимизнинг халқаро майдондаги обрў-эътибори ва нуғузини оширишга қаратилган Янги Ўзбекистон стратегиясини ишлаб чиқилганида деб ҳисоблаймиз[4].

Хусусан, иқтисодий жараёнларнинг глобаллашуви шароитида интеллектуал мулк соҳасини тартибга солишининг давлат стратегияси ҳамда бошқарувини такомиллаштириш, инновацион жараёнда интеллектуал мулк обьектларини баҳолаш механизмларини ривожлантиришига алоҳида эътибор қаратилаётгани, ҳамда глобал бозорларда интеллектуал мулк обьектларини ҳимоя механизмларини ривожлантириш тадқиқот ишининг долзарблигини асослайди.

Бугунги глобал бозорлар мустақил битим обьекти хисобланади, шунингдек, замонавий иқтисодий жараёнлар компаниянинг жаҳон бозорида рақобатбардошлигини оширишнинг янги омилини пайдо бўлишига олиб келади. Бундай омил интеллектуал капитал бўлиб, у компаниянинг бозор қийматини оширадиган номоддий (номоддий активлар) қадриятларни белгилаш учун умумий ресурсдир. Дунёда рўй берадётган иқтисодиётнинг глобаллашув жараёни бир томондан тижорат муомаласига киритилган барча янги интеллектуал мулк обьектларини ўз ичига олса, иккинчи томондан янги билимлар даврини яратади, бу эса интеллектуал мулк бозорини ривожлантиришнинг кучли куролига айланади.

Адабиётлар таҳлили. Бутунжаон Интеллектуал мулк ташкилоти раҳбарияти, Elsevier вакиллари ва бошқа хорижий ташкилотлар иштироқида Ўзбекистонни Глобал инновацион

индекс рейтингига киритиш ва соҳадаги мавжуд муаммоларни тизимли ижобий ҳал этиш мақсадида “Ўзбекистон Республикасини Глобал инновацион индекс рейтингидаги ўрнини яхшилаш” мавзусида илмий тадқиқот олиб борилаётгани бугунги кунда долзарб вазифалардан биридир[13].

Хусусан, глобал инновацион ривожланаётган мамлакатлар интеллектуал фаолият натижалари билан фаол савдо қилар экан, интеллектуал мулк бозорининг хусусиятлари, мазмуни, ҳолати, уларнинг илмий-назарий ва методологик муаммоларини ҳал этиш бўйича илмий изланишлар жаҳоннинг етакчи илмий марказлари ва олий таълим муассаларида амалга ошириб келинмоқда. Жумладан, иқтисодий таҳлил ва бошқарув методологияси нуқтаи назаридан қатор илмий натижалар олинган, жумладан: интеллектуал мулкни корхона активи сифатида тан олиш, баҳолаш усуларидан фойдаланиш механизмилари асосланган (Массачусетс Технология институти АҚШ, Бостон); бизнесда интеллектуал мулк объектларининг истиқболдаги даромадлиги асослаб берилган (Гарвард университети АҚШ); интеллектуал мулк бозорининг иқтисодий ўсишга имкон яратиши асосланган (Кембридж университет Англия); интеллектуал мулк объектларини тижоратлаштиришда инвестицияларни ташкил этишининг муқобил усуллари таклиф этилган (Страсбург университети Франция).

Интеллектуал мулк объектларига иқтисодиётнинг манбаи сифатида тизимли ёндашиш масалалари доимий равишда ўрганиб келинмоқда, хусусан Россия Федерацияси олимларидан Л.И.Лукичёва, А.Ф.Наумов, И.П.Степанова, С.А.Судариков, Н.Г.Грек, К.А.Бахрењькова, В.И.Мухопад, сингари олимларнинг тадқиқотларида ўз аксини топган [3,6,11,5].

Республикамиз олимларидан О.О.Оқюлов, Б.Н.Тошев, Ф. Набиевлар интеллектуал мулкнинг ҳуқуқий асосларини ўрганишган, шунингдек, М.Э.Пулатов томонидан интеллектуал капитал ҳисоби ва аудити методологиясини такомиллаштириш масалалари ҳамда Л.С.Зоиров, С.К.Қосимовалар томонидан эса, интеллектуал мулк ва номоддий активларни баҳолаш механизмилари ва унинг иқтисодий муносабатларини тадқиқ этганлар[7,12,8,2].

Юқоридаги олимларнинг тадқиқотлари муҳим илмий-услубий асос ҳисобланса-да, интеллектуал мулк ресурсларини ишлаб чиқариш омиллари билан боғлиқлигига етарли даражада илмий баҳо берилмагани ҳамда иқтисодий жаёнларнинг глобаллашуви шароитида интеллектуал мулкни муҳофаза тизимини таъминлашда давлат стратегиясини ишлаб чиқилмагани сабабли, интеллектуал мулк объектлари

бўйича эмпирик тадқиқотлар тор даражада амалга оширилган. Мазкур ҳолатдан келиб чиқиб, мақолада интеллектуал мулк бозорини тартибга солиш, ишлаб чиқаришда бошқариш ёки фойдаланишда натижаларни рафбатлантириш механизмларини такомиллаштириш ҳамда глобаллашув шароитида интеллектуал мулк масаласи мустақил тадқиқот обьекти сифатида ўрганилган.

Тадқиқот методологияси. Глобал инновацион жараёнларда интеллектуал мулк обьектларини муҳофаза механизмини ривожлантириш асосларини, инновацион жараёнда баҳолаш механизмини илмий абстракцияда, тизимли таҳлилда, ташкилий-хуқуқий асосларини дедукцион ва индукцион усулларда ўргандик. Хусусан, ташкилий-хуқуқий асосларидан миллий қонунчилигимизни қиёсий таҳлилини амалга оширидик. Жумладан, бизда интеллектуал мулкни тартибга солишнинг қонунлар баъзаси бор, лекин, аслида, у мулк ҳуқуқини ҳимоя қиласи ва инновациялар ишлаб чиқаришни, уларнинг айланмасини тартибга солмайди. Башқача айтганда, бизнинг шароитимизда ушбу қонунлар мажмуи биринчи навбатда хорижий инновациялар муаллифларининг мулкий ҳуқуқларини ҳимоя қиласи. Ушбу масалани ҳал этиш доирасида сўнгги ўн йил ичидаги давлатимиз томонидан ҳимояланган интеллектуал фаолият натижаларини кафолатловчи қонунчилик баъзаси икки баравар кўпайди.[16]

Жумладан, Ўзбекистон Республикаси Президентининг 2020 йил 29 октябрдаги «Илм-фанни 2030 йилгача ривожлантириш концепциясини тасдиқлаш тўғрисида»ги ПФ-6097-сон фармони, 2019 йил 8 февралдаги «Интеллектуал мулк соҳасида давлат бошқарувини такомиллаштириш чора-тадбирлари тўғрисида» ПҚ-4168-сон, 2021 йил 28 январдаги «Интеллектуал мулк обьектларини муҳофаза қилиш тизимини такомиллаштириш чора-тадбирлари тўғрисида»ги ПҚ-4965-сон, 2021 йил 17 февралдаги «Сунъий интеллект технологияларини жадал жорий этиш учун шарт-шароитлар яратиш чора-тадбирлари тўғрисида»ги ПҚ-4996-сон қарорлари, шунингдек, мазкур фаолиятга тегишли бошқа меъёрий-ҳуқуқий хужжатларда белгиланган вазифаларни амалга оширишда муайян даражада хизмат қилмоқда[10].

Таҳлил ва натижалар муҳокамаси. Умуман олганда, Ўзбекистон Республикасида интеллектуал мулк бозорини ривожлантириш учун, Илм-фанни молиялаштириш ва инновацияларни қўллаб-қувватлаш жамғармаси томонидан 2022 йилда 636 919,0 миллион сўмга яқин маблағ сарфланиши кўрсатиб ўтилган бўлсада, ваҳоланки, интеллектуал мулк бозорининг айланмаси ривожланган мамлакатларнидан

юз баравар кам[1]. Корхоналаримизнинг мулкчилик таркибида интеллектуал мулк ўртача 0,02 фоизни, Ғарбда эса 30 фоиздан 40 фоизгачани эгаллади. Маҳсулотга бўлган ҳуқуқларни сотиш маҳсулотнинг ўзини сотиб олишдан кўра юзлаб марта фойдалидир. Биз бу ерда, жумладан, қонунчиликнинг номукаммаллиги ва бозорнинг виртуал йўқлиги туфайли ютқазмоқдамиз. Натижада, йирик ўзбек компаниялари интеллектуал маҳсулотга бўлган ҳуқуқларни рўйхатдан ўтказишида хорижий юрисдикцияга, хусусан, Патент бўйича ҳамкорлик шартномасига (РСТ) (қатнашувчиларнинг умумий сони 153 та, Ўзбекистон 1991 йил 25 декабрдан аъзо) мурожаат қилишни афзал қўришади[14].

Инновацион иқтисодиётнинг улуши юқори ликвидли товар сифатида интеллектуал фаолият натижаларини устунлик билан амалга оширган ҳолда иқтисодиётнинг илмий ишлаб чиқариш асосларини устувор даражага олиб чиқиш учун бозор механизмидан фойдаланиш имконини беради. Ушбу ёндашув билан келажакда интеллектуал фаолият оқилона бошқарув билан боғлиқ, чунки иккала жараён ҳам ресурслардан оптималь фойдаланишга, иқтисодий фаолиятни максимал даражада оширишга ва инновацион маҳсулотни якуний амалга оширишдан энг катта самарани олишга қаратилган. Ишбильармонлик жамияти субъектларининг интеллектуал фаоллиги ва оқилона бошқаруви бозорга динамиклик, иқтисодий фаоллик беради, қулай иқтисодий муҳит яратади.

Интеллектуал мулк (ИМ) бозори ва унинг капиталлашуви ҳам объектив равишда технологияларнинг доимий янгиланишига ёрдам беради. Хуллас, бироннинг лицензияси бўйича печ курган металлурглар бунинг учун миллионлаб доллар тўлаб, имкон қадар узоқ вақт ишлашади. Агар заводнинг 30 фоизга капиталлашуви, масалан, ўзининг янги дизайнни бўлган печга бўлган интеллектуал мулк ҳуқуқига боғлиқ бўлса, муҳандислар янги такомиллаштиришни ишлаб чиққанларида, корхона эски дизайнни янгисига алмаштиришга шошилади ва шу билан ўз капиталлашувини оширади, бу каби сўзлар албатта тушунарли аммо уни ишга тушириш ҳамда амалиётда қўллаш креатив масала ҳисобланади.

Маълумотлар шуни кўрсатадики, бугунги кунда Ўзбекистон Республикасини интеллектуал мулк бозорини ривожлантиришда жами 178 та хужжат бўлиб шундан 31 таси қонун, 73 таси қоида/ўёриқнома имплементацияси, ИМ оид юридик адабиёт 2 та, шартномаларни тасдиқлаш тўғрисидаги хужжатлар 4 та, шартномада давлат иштироки бўйича 68 та (шундан 14 таси БИМТ томонидан бошқариладиган шартномалар, минтақавий ИМ шартномаси бўйича

8 та, кўп тамонлама ИМ шартномаси 27 та, икки томонлама ИМ шартномаси 18 та) ва 1 та минтақавий иқтисодий интеграция шартномаси хисобланади. Кўриниб турибдики бугунги кунда мамлакатимизнинг интеллектуал бозори юқори даражадаги ташкилотларнинг конвенция, битим ва келишувлар қолаверса шартномалари асосида бошқарилиб келинмоқда[14, 16,17,].

Ўзбекистон корхоналарининг янги глобал иқтисодий тизимга интеграциялашуви интеллектуал ресурслардан янада самарали фойдаланиши назарда тутади. Тадбиркорлик субъектларининг умумий интеллектуал капитали мамлакатни инновацион иқтисодий ривожланиш моделига ўтказишида асосий стратегик активга айланниб бормоқда. Бозор айланмасига, қоида тариқасида интеллектуал мулкнинг ҳимоя қилинадиган ва айирбошланадиган объектлари киради. Ҳимоя қилинадиган объектларга ҳуқуқий ҳимояга эга бўлган интеллектуал мулк объектлари киради, яъни. муаллифлик ҳуқуқи эгасининг ушбу объектга бўлган мутлақ ҳуқуқи белгисига эга[11].


Инновациялар интеллектуал мулкни яратиш жараёнларининг асосини ташкил қиласди. Буларга инновациялар, иқтисодиёт, технология, ижтимоий ва интеллектуал мулкни яратишга ёрдам берадиган бошқа соҳалардаги ўзгаришлар киради. Ушбу инновациялар мамлакатнинг илмий-техник тараққиётини белгилайди ва янги ғоялар, ихтиrolар, кашфиётлар ва бошқалар билан боғлиқ. Ўз навбатида, жаҳон бозор иқтисодиётининг глобаллашуви шароитида мамлакатнинг илмий-техникавий тараққиёти интеллектуал мулкнинг инновацион маҳсулотларидан фойдаланиш учун халқаро меҳнат тақсимотида жойни тўғри танлашга боғлиқ. Шу билан бирга, инновацион жараён мамлакатнинг жаҳон бозори иқтисодиётига интеграциялашувининг муваффақиятини белгилайди.

Ўзбекистон ўзининг тўлақонли номоддий интеллектуал мулк активларига эга бўлган, юқори қўшилган қиймат ва миллий ялпи ички маҳсулотдаги улушкини яратадиган, капиталлашувини сезиларли даражада оширадиган давлатга айланадими? (Хитой ва Хиндистон муваффақиятли амалга оширилаётганидек). Акс ҳолда, унинг баъзи қисмлари Африка ва Лотин Америкасининг энг қолоқ мамлакатларида бўлгани каби бозор иқтисодиёти аллақачон шаклланган давлатлар томонидан ташқи назорат обьекти бўлади.

Давлат бозор иқтисодиёти агентларидан бири сифатида, бир томондан, фаннинг институционал тузилмасини шакллантирса, иккинчи томондан, бошқа агентлар ўртасидаги айирбошлаш жараёнда институтларнинг шаклланиши учун шароит яратади. Иккаласи ҳам бир-бири

билин чамбарчас боғлиқ ва ягона тизимни ифодалайди, бунда институтларнинг ҳар бири бошқаларнинг самарадорлигига таъсир қиласди ва шу билан бирга институционал мұхиттинг ўзи ҳам таъсир қиласди. Сүнгги йилларда бу борадағи институционал ўзгаришлар инновациялар ва

бизнеснинг илғор шаклларини ривожлантириш ва уларни мос равищда қўллаб-қувватлашга қаратилган. Жумладан, интеллектуал мулк бозорини тартибга солишда давлат стратегиясининг иқтисодий механизмлари пирамидаси қўйида-гича ташкил этилади 1-расм.[10]



1-расм. Интеллектуал мулк бозорини тартибга солишда давлат стратегиясининг иқтисодий механизмлари пирамидаси

Манба: Муаллиф томонидан тузилди.

Ривожланаётган мамлакатларнинг интеллектуал мулкни ҳимоя қилиш муаммоларига муносабати кўп жиҳатдан уларнинг миллий иқтисодиёти ҳолатига боғлиқ. Интеллектуал мулкни ҳимоя қилишининг самарали механизмининг мавжудлиги ушбу мамлакатлар учун фойдалидир, чунки у маҳаллий ишлаб чиқаришни ривожлантиришга, хорижий сармояларни жонлантиришга ёрдам беради ва янги технологияларга йўл очади. Бундан ташқари, ушбу мамлакатларнинг экспортдан тушадиган даромади кўп жиҳатдан интеллектуал мулкни ҳимоя қилиш даражасига боғлиқ.

Илмий изланишларга инвестицияларни жалб этиш яна бир мұхим омил хисобланади. Маълумки бу масалда маблағ етарли эмас. Ўзбекистоннинг ривожланган давлатлардан фарқи хусусий секторнинг интеллектуал соҳадаги инвестиция фаоллиги даражасидадир. Мамлакатимизда интеллектуал маҳсулотлар ишлаб чиқариш соҳасини молиялаштиришнинг мұхим улуси давлат томонидан амалга оширилади (барча молиялаштиришнинг 90%). Ривожланган мамлакатларда хусусий секторнинг улуси давлат бюджети улуси билан тақосланади, масалан, 2020 йилнинг охирларида АҚШ, Буюк

Британия ва Францияда 75-80% га яқинлашган бўлса, Японияда ҳатто 90% га етди.[10]

Хулоса ва таклифлар. Интеллектуал мулк обьектларини саноатда ва ишлаб чиқаришнинг бошқа соҳаларида қўллаш бўйича лицензия шартномаларини расмийлаштириш, тегишли ҳуқуқларни ишлаб чиқарувчиларга ўтказиб бориш ва уни бошқаришдаги муаммони аниқлаштириб олиш самарали инновацион ёндашув ҳисобланади. Бунда иқтисодий жараёнларнинг глобаллашуви шароитида интеллектуал мулкни баҳолаш механизмида хусусий ҳамда халқаро қўшма институтлар фаолиятини ривожлантириш мақсадга мувофиқлиги аниқланди.

Интеллектуал мулк обьектлари бугунги кунда фуқаролик муомаласига энг кўп киритилиб, инсон тафаккурини ўзгартириш ва янги билимлар тарқатишга асосланганлиги билан ажralиб туради. Шунга кўра, интеллектуал мулк обьектлари ва уларнинг яратувчилари бўлган муаллифлар ҳуқуқларини ягона «Интеллектуал мулк кодекси» орқали мухофаза қилишини ягона тартибга солувчи восита эканлиги аниқланди.

Муаллифлик ҳақини тўлаш тизимида янги институционал ўзгаришларни амалга оширишда интеллектуал мулк обьектлари мулкий ҳуқуқларини жамоавий асосда бошқариш ташкилоти фаолиятидан фойдаланиш мақсадга мувофиқ. Бунда ҳар бир интетеллектуал мулк обьекти бўйича худудлар кесимида ташкил этиш зарурияти баҳоланди. Шунингдек, интел-

лектуал мулк обьектларини молиялаштириш механизмларини тубдан такомиллаштиришда замонавий ахборот-коммуникация технологияларини жорий этиш, соҳа ривожланишини иқтисодий самарадорлиги ошишини таъминлайди. Жумладан, краудфандинг институтлари фаолиятидан самараали фойдаланиш.

Манба ва фойдаланилган адабиётлар рўйхати:

1. Ўзбекистон Республикасининг 2021 йил 30 декабрдаги “2022 йил учун Ўзбекистон Республикасининг давлат бюджети тўғрисида”ги қонун.
2. Зоиров Л.С., Қосимова С.К., Интеллектуал мулк ва номоддий активларни баҳолаш. Ўқув қўлланма. – Т.: Iqisod-Moliya, 2019. -31-32б.
3. Лукичёва Л.И., Управление интеллектуальным капиталом. Учебное пособие. 2-е изд. – М.: Омега-А, 2009. -52 с.
4. Мирзиёев Ш.М. Янги Ўзбекистон Стратегияси. –Т.: 2021 йил
5. Мухонад В.И. Коммерциализация интеллектуальной собственности. – М.: ИНФРА-М, 2010. -312 с.
6. Наумов А.Ф., Степанова И.П., Управление интеллектуальной собственностью. Учебное пособие. – Саратов, 2017. -220 с.
7. Оқюлов О.О. Интеллектуал мулкнинг ҳуқуқий мақоми. – Т.: ТДЮИ. Док.дисс. 66-82-б.
8. Пўлатов М.Э. Интеллектуал капитал ҳисоби ва аудити методологиясини такомиллаштириш. – Т.: ТДИУ, 2017. Док.дисс. 14-23б.
9. Рустамбеков И.Р., Мусаев С.Ф. Международное авторское и патентное право. – Т.: ТГЮУ, 2016. – 280 стр - 187-190с. (322)
10. Суннатов М.Н. Ўзбекистон Республикасида интеллектуал мулк бозорини тартибга солиш механизмини такомиллаштириш. Диссертация автореферати. –Т.: ТДИУ 2021. - 4 бет. «Ziyouonet» Ахборот-таълим портали.
11. Судариков С.А., Грек Н.Г., Баҳренъкова К.А. Экономика и интеллектуальная собственность. – М.: Изд-во деловой и учеб.лит., 2004. -49с.
12. Тошев Б.Н., Набиев Ф., Интеллектуал мулк ҳуқуқи: товар белгиларининг ҳуқуқий муҳофазаси. Ўқув қўлланма. – Тошкент: “Инновацион ривожланиши нашриёт-матбаа уйи”, 2019. – 194 б.
13. <https://mininnovation.uz/uz/news/2363>
14. <https://wipolex.wipo.int/ru/treaties/members/profile/UZ>
15. <https://wipolex.wipo.int/ru/legislation/profile/UZ>
16. <https://lex.uz> – Ўзбекистон Республикаси Қонун ҳужжатлари маълумотларининг миллий баъзаси
17. <https://ima.uz> – Ўзбекистон Республикаси Адлия вазирлиги ҳузуридаги Интеллектуал мулк агентлиги